



皇明誥授榮祿大夫後軍都督府署都司同知

高公行狀



公諱策字汝籌號對廷係山西汾州府永
寧州人也始祖諱萬僧洪武二十五年領
兵到山西行都司天城衛克成家業嗣後
萬僧生晉旺配溫氏晉旺生璽配郝氏璽
生進配劉氏進生欽配李氏欽生蘭配龐
氏尊君也忠勇信義航晤聖學束髮從戎

驃騎將軍迺一人真君爲始也生公於

丙辰年漸長遂尋經書脉絡好雙劍單刀
弓馬事務嘗與父驃騎將軍曰自古文事
武功不惟可以安邊境政可以治天下也
公時習策論龍虎韜略淹貫五臟於是英
風勁骨岐嶷剛達日就乎鼓律矣龐氏夫
人嘗以溫厚和平忠信廉慎孝友仁直導
公公則曰進於高明矣方登萬曆庚辰進
士初權拜塞堡守備地方有豪右李姓者

弄法舞文毀戮綱紀時則神人共憤莫敢
誰何公上達當事明公而消削之地方則
愛戴爲真父母矣十二年正月推陞滅虜
堡守備到任數月累年所壞者亟修之所
損者亟補之所烏有者亟立之一應設官
授任者逐次周備焉十五年三月陞大同
鎮中軍坐營十七年十月內襲父廕除本
衛指揮加二級署都指揮僉事領明威將
軍

詰命值順義批

以要挾封王之舉連月靈雨

墻垣傾塌扯力艮擁大衆壓境賊勢洶湧
因總鎮麻公抱病在床公領正兵一萬赴
祁皇山對壘見公逐電追風之威擣山絕
流之勇東衝西擊進止坐作動若神靈靜
若山嶽諸虜之伎倆漸消而封虜之事方
妥矣當事者咸蒙特敘首功奉

欽賞銀二十兩十九年正月陞大同邊兵遊擊

營伍素稱罷敵倒死馬匹甚多器械木牌

衛宇崩頽刁蠹疊生自公入衛一年適及
回營兵甲堅利器械鮮明士馬歡騰刁蠹
遁匿伍下妻子盡皆出廓迎接無不感恩
頌聲滿道二十年倭奴犯朝鮮統本營兵
馬前赴征剿公預先密地理埋伏火器分兵
四出使賊變化莫測攻打平壤身冒矢石
奮力先登攻開小西門引大兵繼集其斬
首級一千六百餘顆急克開城下王京大
丘節次血戰多功奉

欽賞銀三十兩二十二年四月陞寧山

轉密雲右營十月加副總兵奉領

欽賞銀六十兩以原官補薊遼保定中軍三載
東征一年四轉虎豹之變非常攻守之功
易見二十三年正月內統兵過遼出十方
寺遇噠賊衝突至開原地名拴道提兵躍
馬前進黑風惡氛大作公併力向往親斬
部斬首級一百二十餘顆內有悍驍酋首

奉

欽賞銀三十兩加陞署都督僉事二次同經略

邢公復往朝鮮蒙

簡征倭中協副總兵統領兵馬到箭灘蔚山堵
截八路強倭一設奇兵以疑賊勢二設遊
兵以擊銳氣三設選兵以劫歸路四設正
兵以攻大寨身經百戰萬死一生手斬伍
斬一千餘顆奏成大捷隨調攻搗島山十
一晝夜眠霜臥雪百計千籌分兵雜出擒
獲活倭九十六名公之用兵正謂暑不張

年

宣大總督取

欽賞進貢馬撫夷有方尉

七

大司馬蕭公檢閱東征

二十三年五月

內補新平路叅將隨調大同巡撫中軍號

令嚴明隊伍整肅恩威溥著德惠廣施三

十六年四月復更宣府南山叅將拱護

陵寢重地禁緝賊盜設法防守絕無盜竊

陵木等敞地方寧靜城垣堅固兵馬以時訓練

軍民感戢立碑於北城樓上至今賢聲愈

震三十八年四月推陞薊鎮協守中路副

總兵歷俸八載已逾一十三防先後八十

餘薦行伍絕科歛之跡軍士感休息之恩

境內無烽烟之擾邊圉有擊柝之聲本年

六月薊遼督撫王公吳公查敘三年功程
保薦謀兼百將勇冠三軍訓武宣威振邊
聲於利兵堅甲塹山湮谷峙天險於鐵壘
金墉羣力恍以忘勞拊摩有自諸夷怵而
駭喙防馭惟嚴望重師貞才優專閫相應
敘錄本年夷酋啞拜台吉抽扣兒尹都赤
以巴賴等擁衆前來會州屯聚要挾加添
新賞及二十六年羅文峪關外殺夷五十
二顆舊賞外妄求多數以萬計公督率叅
遊守提嚴詞勇力堵塞狡夷賊且終不敢
狂逞內外帖然十月內

總督薊遼軍門兵部尚書王公保薦氣吞湖
海智變風雲組練成虎豹三千保障壯河
山百二相應循資擢用十二月內

巡按直隸湯公薦英姿燁燁壯志桓桓信士
軍中頗牧居然塞上金湯應推大將之選
御史徐公薦勇氣吞虹雄才掣電訓練貔貅
隊肅防禦虎豹威騰遇缺元戎擢用

行
薊遼督撫薛公會薦桓桓勇略炳炳忠
猷

總督軍門兵部右侍郎薛公劄付准
兵部咨奉

聖旨高策量加署都督僉事職銜

御史李公又薦聳壑昂霄偉度折衝禦侮長
材天地風雲爲陣廉仁智勇齊稱有德有
謀式金式玉六載邊關一塵不染遇有大
將員缺卽當推用以勵忠勤四十四年三

月內駱酋夜犯孤山公一聞警報督率親
丁伍卒出潘家口連渡滦河八道不畏山
溪險難長列戰陣深入孤山之後勇加大
戰自晨至午方退斬級二十餘顆首首重
傷哭泣逃遁喊跡收兵進口是此不敢輕
犯薊鎮以爲竒捷督撫會題報功稱公韜
鈴夙富胸中妙略運諸掌上連夜提師志
期滅此而朝夕輕身冒險公東征西討提
兵出塞則羶裘裂胆南鋤北伐振旅前驅

則犬羊授首並有幹濟無忝干城所轄邊陲防禦甚密愛士如撫嬰兒而又時其訓練運籌緩急得宜徹土綢繆素預志期絕漠心切洗天居然八面之威允矣三軍之帥九邊待標桐柱三輔允賴金湯公之處友不拘貴賤先後一誠不以盛衰改節存亡易心公之家傳一味廉勇黑白分明處鄉黨不拘老幼一槩以誠教人以勤勞恭敬不愛紛華糜麗蚤晚應世廉勇明哲事

上以信用下以恩固宜享祿永久爲我皇上千百年虎臣以安

聖心以安社稷耳公之大數不踰六十有三矣忽於萬曆四十六年五月初二日未時在任一病遂成長逝幸公親隣賢裔皆世享聖朝之爵祿邊功鉅業所不必呈碍者公郎維岳孝激

宸衷

勅下禮部晉秩署都督同知劄付山西行都司

行狀

堂上正官李公諱國禎諭祭一壇誠哉千載
隆遇公之祖父母追贈一品官封四代此
曠世鉅典也人臣至此極矣又蒙

俞旨着翰林官撰祭文一道深切終身行誼公
郎遊膠庠襲揮使擇配副總戎張公之女
張氏三從四德且備焉公之嫡姊恭謹廉
慎適本衛百戶侯鸞公之長女適天城衛
戴揮使寵詔次女適懷安衛岳千兵惟忠
三女適鎮虜衛朱揮使寵錫公之孫男女
以德以慈以惠四幼女幼俱以寢賢哲上
智規模洪遠報

君報親可立俟也公之心事青天白日毋容有
贅不佞與公交誼有年洞達終始書之以
徵將來公之英靈已副太清矣公之靈柩
歸葬於天城吉地乾方且永妥窀穸矣時
萬曆庚申仲秋上浣吉日書

禮部爲疆圉勞臣殞身血戰遵例懇

恩憫念俯賜

優卹以慰忠魂以昭激勸事祠

祭清吏司案呈奉本部送禮科抄出原任
協守薊鎮中路副總兵官分理練兵事務
後軍都督府署都督僉事今故贈署都督
同知高策男應襲高維岳奏乞伊父 卹
典緣由等因奉

聖旨禮部知道欽此欽遵抄出到部送司案呈
到部看得原任協守薊鎮中路副總兵官

分理練兵事務後軍都督府署都督僉事
今故贈署都督同知高策男應襲高維岳
奏乞伊父 卹典一節既經該司查有前
例相應與祭一壇恭候

命下行翰林院撰祭文山西行都司轉屬支給
官錢買辦祭品香燭紙就 遣本都司堂
上官致祭等因奉

聖旨是准照例與祭一壇欽此欽遵抄出到部
送司案呈到部擬合就行爲此合劄該司
照劄事理即便轉屬支給官錢買辦祭品
香燭紙就遣本都司堂上官一員前去致
祭仍將用過官錢數目開報本部查考施
行須至劄付者

計開

一祭文維萬曆四十七年十一月二十六日
皇帝遣本都司堂上官李國禎

諭祭協守薊鎮中路副總兵官分理練兵事務
後軍都督府署都督僉事今故贈署都督

同知高策文曰惟爾質稟剛勇氣含悍驍
以世胄而承家更武闡而擢第替職雖傳
於闕閱橐鞬自用乎兵戎捍虜雲中已落
旄頭之膽禦倭海外先靜鯨首之波王京
恢復於變弓寇島盡殲於破竹雖進階總
府實推轂優權薊鎮款醜以時防身先士
卒孤山駱酋雨夜犯血染戈矛計矣功有
元勳控乎膚無完保永日方期於髦鬣將
星忽殞於邊陲遽爾淪徂居然冥冥英魂

不昧尚克歆承

一祭品猪壹口

羊壹控

饅頭伍分

粉湯伍分

果子伍色

每色伍斤 按酒伍盤

鳳鷄壹隻

燂骨壹塊

燂魚壹尾

酥餅酥錠各肆個

鷄湯壹分

魚湯壹分

降真香壹炷

燭壹對 重壹斤

焚祝紙壹百張

酒貳瓶止

右劄付山西行都司准此

紫粉

萬曆四十七年九月 二十四 日對同都吏楊時昌

疆圍勞臣殞身無戰等事

全印

劄付 正堂押 左堂押

跋

夫序以明事者始也跋以詳事者終也其事明且詳矣烏用序與跋哉孔子曰有始有卒者其惟聖人乎是序與跋而兩不可偏廢也且天之地序也春夏焉秋冬焉生長收藏焉其並育而不相害並行而不相背各正性

命保合太和者何其條暢特達也攸
利貞固也此天地之序也卽吾人三
綱五常之道也張施闔闢之機死生
存亡之理天授人而人不知人聽天
而天若不知甚至載人出而載人人
若兩無所知各授之而各聽之是玄
默中之至宰先後天之真境政吾人
撐天達地之作用乃授人受天之良
知往來屈伸行藏出入之良能也此
天地之真知也知其始矣知其成矣
必又知其終矣今雲東高對廷先生
用下敬上貴貴尊賢生長歛藏殺伐
予奪蓋世事功諸公書之詳且明矣
予又何言歟是以略形其槩以跋其

末焉

賜進士翰林院侍讀學士教習庶吉
士南昌劉一燦撰



世胄下盡臣子之職分制科

事於武其攻城掠地誅強賊殺

疆場苦心血戰幾四十年矣其功業
本末死生大節章程字句發明迨盡
亦可謂後世疆圉武臣之左券也烏
敢言過鑑哉公生前蒙
皇上寵賚優渥歿後蒙

聖主褒贈四世顯官人生所不可與
及者顧諸公樂然刪訂成帙一以
行狀一以墓誌一以祭儀三事乃千
百年鉅典矣不佞固不敢以文加於
質也替此爲序云耳 昔

萬曆四十八年七月

日

賜進士翰林院侍讀學士古姚孫如

游撰

原任協守薊鎮中路副總兵官分理練兵
事務後軍都督府署都督僉事今故贈署
都督同知高策男應襲臣高維岳
爲疆圉勞臣殞身血戰遵例懇

恩憫念俯賜

優卹以慰忠魂以昭激勸事岳父高策係山西
行都司天城衛世職指揮僉事原籍汾州
府永寧州人由萬曆八年武進士十二年
正月推補滅虜堡守備十五年三月陞大

同鎮中軍坐營十七年十月襲替祖職授
天城衛指揮僉事上加武舉署職二級蒙
欽准與做署都指揮僉事十八年七月給與
誥命授明威將軍隨陞大同邊兵營遊擊十九
年十一月奉調統兵赴朝鮮征倭二十年
正月攻打平壤奮勇先登奪獲小西門追
趕倭賊直至大同江黃州道烏龍江漢江
大戰開城碧梯恢復朝鮮王京殺至釜山
方回征勦年餘前後斬首六百餘顆勦功

叨居一等節該兵部覆蒙

欽賞銀一百二十兩二十一年六月陞寧山叅
將卽以征倭敘功加陞副總兵職銜九月
調密雲右營副總兵十二月陞薊遼總督
軍門標下中軍二十二年統兵出十方寺
勦虜斬首一百二十餘顆節該兵部覆蒙
欽賞銀三十六兩二十四年五月內該兵部題

奉

欽依加後軍都督府署都督僉事本年統兵隨

邢經略征倭渡鴨綠江堵截箭灘克取蔚
山攻打倭橋領兵二年身經百戰節次斬
首千餘顆二十六年二月陞薊鎮西協副
總兵府銜照舊因連歲鏖戰遍體傷夷具
疏乞骸

請告回籍二十九年蒙宣大軍門調取標下三
十四年改推大同軍門標下中軍三十八
年四月陞協守薊鎮中路副總兵官分理
練兵事務後軍都督府署都督僉事四十

四年三月內駱酋夜犯孤山岳父統兵堵
截斬級二十餘顆酋首亦負重傷僅以身
免該督撫會題報功內稱岳父韜鈴宿富
胸中妙畧運諸掌上連夜提師志期滅此
而朝食輕身冒險計圖掃穴以犁庭六載
邊關一塵不染每談及此虜猖獗之狀奮
然義形於色卒之有志竟成功先諸將應
優賚以圖善後仍需大將之選者在任八年
不幸於四十六年五月內病故本年七月

該督撫會題內稱岳父八載籌邊一節自
勵當駱首狂逞之日極封疆捍禦之圖身
先士伍功收斬馘優異累騰於薦牘酬勲
未逮於生前齋志已歿殊可傷悼應於孤
山叙功疏內特加

厚卹優贈以慰忠魂者也八月該關院題叙孤
山功次內稱岳父偉略縱橫壯心激烈雷
警馳赴似風雨之驟來奮擊騰驍若雷霆
之震掣一戰瓊裘裂膽六年玉塞功高相

應

優賚仍需大將之選者也該兵部覆議內稱岳
父氣薄虹蜺志冲象緯前驅慷慨願封函
谷之泥掣劍疾馳直掃陰山之雪方俟崇
褒忽驚病殞生前未荷

特恩死後宜加顯贈相應

厚卹以慰忠魂奉

聖旨黠虜入犯各官斬獲有功宜加叙錄高策
贈署都督同知欽此岳竊惟岳父高策祖

職世受

國恩武科復叨毅錄自慙鄙戇無以仰副

拊髀矢竭悃誠隨在勉圖戮力每遇臨陣輒能奮勇先登以故士卒用命所向無敵斬馘多功比協守薊鎮則重念薊爲

陵京逼近之地咽喉要害之區加意隄防選精組練孤山之役義不顧身乘夜勦除強首授首邊境寧謐

畿輔莫安蓋岳父爲將幾四十年奉調戰三殆無寧日心勞於運籌力疲於鏖戰刀箭傷蝕體鮮完膚一夕風雨痛楚大作遂長逝矣樞曹覆疏每稱

優卹之宜加

令甲具存諒不推

恩之有靳况生前之奇勛累著歿後之顯贈猶厯用是不避

斧鉞瀝血陳情岳伏睹

卹典條例內一款署都督僉事祭一坛又查得

近年署都督僉事王邦吉張純臣各病故
俱蒙

賜祭一垓又先年署都督同知趙崧病故禮部
議其鎮守邊塞歷任年久効有勤勞與祭
一垓并與造葬奉

聖旨是趙崧准照例與祭葬欽此今岳父係署
都督僉事既與王邦吉張純臣二例相同
而其南殲倭寇北斬駱首前後効勞功多
年久方知趙崧實爲尤異伏望

皇上軫念鏖戰勞臣盡瘁疆圉
勅下禮部照例覆題給與則不惟岳舉世存歿
永懷環草之思將九邊士卒咸興感激之
義矣岳不勝懇切銜恤待
命之至

